

मार्निंग डोगरी न्यूज बुलेटिन, समें. 09.20 Hrs

Headlines

- भारती अंतरिक्ष अनुसंधान संगठन - इसरो नै एनवीएस-02 उपग्रह दा कामयाबी कन्नै प्रक्षेपण कीता ऐ। एह श्रीहरिकोटा थमां 100मां कामयाब मिशन हा।
- लेफ्टिनेंट गवर्नर मनोज सिन्हा होरेंगी सुधारें ते योजनाएं दे खेतर च महाराज हरी सिंह अवार्ड कन्नै सम्मानित कीता गोआ ऐ। एलजी होरें विकसित भारत लेई पूरे-पराते विकास दी जरूरतें पर जोर पाया।
- उपमुख्यमंत्री सुरिंदर चौधरी होरें आखेआ ऐ जे जम्मू-कश्मीर च सकारात्मक बदलावें लेई गैहीं पुट्टियां जा करदिआं न।
- मंत्री सकीना इतू होरें आखेआ ऐ जे मजूदा संसाधनें ते सुविधाएं दा दर्जा बधाना सरकार दी इक बड्डी प्राथमिकता ऐ।
- अज्जै थमां जम्मू-कश्मीर दे बक्ख-बक्ख हिस्सें च बरखा ते बर्फबारी दे असार न।
- हून खबरें दी तफसील कन्नै जगमोहन शर्मा।

<><><><><><>

ISRO

भारतीय अंतरिक्ष अनुसंधान संगठन- इसरो नै अज्ज आंध्र प्रदेश दे श्रीहरिकोटा थमां दूई पीढी दे नेविगेशन सेटैलाइट एन.वी.एस.-02 दा सफल प्रक्षेपण कीता। इसी बडलै 6 बज्जिए 23 मिनट पर जी.एस.एल.वी.-एफ-15 प्रक्षेपण यान दी मदद कन्नै छोड़ेआ गोआ। सतीश धवन अंतरिक्ष

केन्द्र सोयां एह इसरो दा सौंमां ऐतिहासिक प्रक्षेपण ऐ। एनवीएस-02 उपग्रह, भारतीय नक्षत्र प्रणाली कन्नै दूई पीढ़ी दे नेविगेशन दा हिस्सा ऐ, जेडी भारत दी स्वतंत्र क्षेत्रीय नेविगेशन उपग्रह प्रणाली ऐ, जिसी भारत च इस्तेमाल करने दे कन्नो-कन्नी भारतीय भूभाग थमां लगभग डे॥ हजार किलोमीटर अगगे तक फैले दे क्षेत्र दी सटीक स्थिति, वेग ते समय सेवा प्रदान करने आस्तै डिज़ाइन कीता गया ऐ। साइंस, टेकनालजी ते अंतरिक्ष विभाग दे मंत्री डॉ. जतिंद्र सिंह होरें इस मौके पर इसरो गी ममारकबाद दिती ऐ।

<><><><><><>

PM National Games

प्रधानमंत्री नरेंद्र मोदी होरें कल संझा उत्तराखंड दी राजधानी देहरादून च 38में राष्ट्र खेड़ों दा उद्घाटन कीता। इस मौके ओलंपिक विजेता लक्ष्य सेना नै उनेंगी राष्ट्रीय खेड़ों दी मशाल सौंपी। प्रधानमंत्री मोदी होरें अपने संबोधन च च इस गल्लै दा प्रमुखता कन्नै जिक्र कीता जे इस बरे दियां राष्ट्रीय खेड़ोंं लगातार अगड़े बधदे रौहने दी भावना गी बढ़ावा दिंदे होई ते कन्नै भारत दिएं रिवायती खेड़ोंं गी शामिल करदे होई पर्यावरण दे अनुकूल ग्रीन गेम्स दे तौरा पर आयोजित कीतियां जा'रदियां न। जम्मू-कश्मीर थमां इनें खेड़ें च 108 एथलीट हिस्सा लै करदे न जिंदे च 87 पुरुष ते 21 महिलां खडारी न। जम्मू-कश्मीर दे खडारी वुशु, मुक्केबाजी, तीरंदाजी ते कुश्ती सने 14 बक्ख-बक्ख खेड़ोंं च हिस्सा लै करदे न।

<><><><><><>

LG-Sinha

लेफ्टिनेंट गवर्नर मनोज सिन्हा होरें जम्मू च महाराजा हरी सिंह शांति ते सद्भाव पुरस्कार हासल करने आहलें गी कल सम्मानित कीता। पंडित प्रेम नाथ डोगरा, पंडित गिरधारी लाल डोगरा ते देवेन्द्र सिंह राणा होरें'गी उंदे बेजोड़ नेतृत्व ते आम लोकें दे कल्याण दे प्रति शानदार समर्पण लेई मरणोपरांत एह पुरस्कार दिता गेआ। इस मौके उप्पर अपने संबोधन च एलजी होरें जम्मू-कश्मीर च सकारात्मक बदलावें, महिला सशक्तिकरण, शिक्षा ते समाजी विकास लेई समर्पण भावना गितें महाराज हरी सिंह हुंदी सराहना कीती। श्री सिन्हा होरें आखेआ जे एह लोकें दी बी जिम्मेदारी बनदी ऐ जे ओह इस गल्लै गी जकीनी बनान जे विकसित भारत च सब्बनें धड़ें ते समुदायें दी भागीदारी पक्क गै होऐ। इस मौके उप्पर एलजी होरें'गी सुधारें ते योजनाएं दे खेतर च महाराज हरी सिंह अवार्ड कन्नै सम्मानित कीता गेआ। इस मौके उप्पर बोलदे होई एलजी मनोज सिन्हा होरें आखेआ

<><><><><><>

Dy CM Conclave

उपमुखमंत्री सुरिंदर चौधरी होरें जम्मू-कश्मीर च सकारात्मक तब्दीलिएं लेई सरकार आसेआ कीती जा करदी पैहलकदमिएं पर लोऽ पाई ऐ। 'बदलता जम्मू कश्मीर' शीर्षक आहले कन्कलेव दरान बोलदे होई उनें गलाया जे जम्मू-कश्मीर गी भारत दा सब्बनें शा मता विकसित हिस्सा बनाने लेई केई गैहीं पुट्टियां जा'रदियां न ते बड़े मते महत्व आहले फलैगशिप कार्यक्रमें दे राहें इस गल्लै गी जकीनी बनाया जाहग जे लोकें गी समाजी-आर्थिक ते विकास सरबंधी पैहलकदमिएं थमां खरा मता लाह हासल होऐ। उपमुखमंत्री होरें मुकामी उद्योग गी बढ़ावा देने, खान्नें सरबंधी कम्में गी चुस्त-दुरुस्त बनाने ते संपर्क सुविधाएं च बाददा करने लेई लोड़चदी

गैहीं पुट्टने दी जरूरतै पर जोर पाया। चौधरी होरें संपर्क सुविधाएं च बाददे लेई 4 लेनें आहले पीर पंचाल सिड़क नेटवर्क ते सब्बनें रेल राबतें दे विस्तार दा बी जिक्र कीता। उनें इब्बी आखेआ जे केन्द्र सरकार आसेआ कीते गेदे वायदे मूजब, जम्मू-कश्मीर दा विशेष दर्जा ते एहदा राज्य दा दर्जा ब्हाल करने लेई जतन कीते जा करदे न।

<><><><><><>

Sakeen healthcare

जम्मू-कश्मीर च सेहत दिक्खभाल आहले खेतर च बदलाव दी इक कोशश तैहत सेहत ते मेडिकल शिक्षा मैहकमे दिएं मंत्री सकीना इतू होरें संसाधनें ते सुविधाएं दा दर्जा बधाने गी सब्बनें शा बड्डी प्राथमिकता करार दिता ऐ। 'बदलता जम्मू कश्मीर' शीर्षक आहले कन्कलेव दरान बोलदे होई उनें मुखमंत्री ओमर अब्दुल्ला हुंदी अगुवाई तैहत कीती जा करदी महत्वपूर्ण पैहलकदमिं उप्पर लोs पाई जिं'दे च दूर-दरेडे इलाकें च 300 डॉक्टरें दी नियुक्ति सने उप-जिला अस्पतालें च डायलसिस दी सुविधां ते जम्मू-कश्मीर च दिलै सरबंधी जांच आहली कैथ लैबाटरियां शुरु कीता जाना शामिल ऐ। इतू होरें लगातार निगरानी दे राहें जन कल्याण दे प्रति सरकार दी वचनबद्धता गी पक्का कीता। इस मौके उप्पर उनें आखेआ

<><><><><><>

DGP-Visit

जम्मू-कश्मीर दे पुलस महानिदेशक नलिन प्रभात होरें जम्मू जोन दे एडीजीपी आनंद जैन ते होरनें सीनियर अफसरें कन्ने रियासी ते रामबन दे इलाकें च पुलसै दिएं कारवाइएं सरबंधी तैयारिं दी व्यापक समीक्षा कीती। इस दौरै दा मुंडला मकसद इलाके च तैनात बक्ख-बक्ख

सुरक्षा बलें दिएं तैयारिं ते सुरक्षा बंदोबस्तें दा जायजा लैना हा। डीजीपी होरें बक्ख-बक्ख ठकानें दा बी दौरा कीता ते दिक्खेआ जे पेदा होई सकने आहिलिं चुनोतिं कन्ने निब्बड़ने गितै पुलस ते होरनें सुरक्षा बलें दी तैयारी किन्नी क ऐ। इस दौरान उनें तैनात बलें कन्ने गल्लबात कीती ते उंदी निष्ठा ते जज्बे दी सराहना कीती। उनें जोर देइयै आखेआ जे सुरक्षा बवस्था गी निग्गर बनाने लेई आपूं च तालमेल बनाइयै कम्म करन। इस दौरान उनें गी मौजूदा सुरक्षा चुनौतिं, सुरक्षा तंत्र ते चुनौतिं कन्ने निब्बड़ने दिं बवस्थां दे बारै च बी जानकारी दिती गेई।

<><><><><><>

Mahakumbh-Amrit Snan

प्रयागराज च अज्ज मौन मस्सेया दे मौके पर महाकुम्भ 2025 दा दूआ अमृत स्नान एल्लै चले करदा ऐ। हिंदु मान्यताएं मूजब मौनी मस्या गी इक पवित्र मौका मन्नेआ जंदा ऐ ते इस मौके स्नान करने दा बी म्हातम होंदा ऐ ते महाकुम्भी दे दौरान इस मौके दा म्हातम होर बी बधी जंदा ऐ। महाकुम्भ दुनिया दा सब्बनें शा बड़डा धार्मिक किट्ठ ऐ जेदे च करोड़ें दी गिनतरी च श्रद्धालु देश ते दुनिया दे बक्ख-बक्ख हिस्सें थमां संगम च पवितर चलोबी लाने लेई आवा करदे न। 2025 दा एह महाकुम्भ 13 जनवरी गी शुरू होआ हा ते पैहला शाही स्नान 14 जनवरी मकर संक्रांति दे मौके पर आयोजित होआ हा। प्रयागराज महाकुम्भ 26 फरवरी शिवरात्रि तोड़ी जारी रौहग जेदे च 40 करोड़ कोला मते श्रद्धालुं दे हिस्सा लैने दा अंदाजा ऐ।

<><><><><><>

Cancer-Awareness

भारती बपार ते उद्योग मंडलें दी फेडरेशन फिक्की आसेआ जम्मू-कश्मीर ते लद्दाख दे महिला संगठन एफ.एल.ओ आसेआ जम्मू च कैंसर बारें जागरूकता पैदा करने लेई फोर्टिस अस्पताल गुरूग्राम दे सहयोग कन्नै इक कन्क्लेव दा सरिस्ता कीता गेआ। एहदा मुख मकसद महिलाएं च कैंसर कोला बचा लेई जागरूकता पैदा करना हा तां जे शुरू च गै एहदे लक्षणें दा पता लाइयै एहदे शा बचेआ जाई सकै। जम्मू-कश्मीर दे सेहत ते मेडिकल शिक्षा विभाग दे सचिव डॉ. सैयद आबिद रशीद शाह होरें बतौर मुख परौहने इस जागरूकता कार्यक्रम च शिकरत कीती। इस पैहल दी सराहना करदे होई उनें आखेआ।

<><><><><><>

Weather

जम्मू-कश्मीर च अज्जै थमां बक्ख-बक्ख थाहें उप्पर बरखा ते बर्फबारी दी मेद ऐ। मौसम विभाग नै अज्ज रातीं ते कल बड्डलै बी केई सारी थाहें उप्पर हौली बरखा बरने ते बर्फबारी दे असार जताए न। एहदे परैन्त ओंटी पहली फरवरी दी रातीं ते 2 तरीक गी बी दरम्याने ते उच्चे प्हाड़ी इलाकें च दरम्याने दर्जे दी बर्फबारी दी पेशगोई कीती गेई ऐ। तोआई जम्मू-श्रीनगर राश्ट्री जरनैली सिडक एनएच44 पर गड्डिएं दी आओजाई दौनें बक्खी दा बवस्थित ांग्गै'नै होआ करदी ऐ। ऊआं लोकें गी एह सलाह बी दिती गेदी ऐ जे ओह अपनी लेन च पूरे अनुशासन कन्नै गड्डी चलान ते दिनै बेल्लै सफर गी मती तरजीह देन। तोआई जम्मू खिते दे रजौरी ते पुंछ जिलें गी कश्मीर घाटी दे शोपियां जिले कन्नै जोड़ने आहली ऐतिहासिक मुगल रोड अर्जे बी गड्डिएं दी आओजाई लेई बंद ऐ।

<><><><><><>